

جَزَائِهِ عَمَّا كَرِهَ

نومرو ربع الاول سنه ۱۲۹۰ ۲
 بازار ایرتسی ۱۶ نیسان رومی سنه ۱۲۸۹ ۹
 صحیفه

اشوغزته ایلروده هفته ده ایکی دفعه چیقارلق اوزره شمذیلک بهر هفته بازار ایرتسی کونلری چیقار
 سنه لکی بر عثمانلی یوزلک التونه و بهر نسخه سی شمذیلک ایکشر غروشه اوله رق هر یرده صاتیلور
 سنه لکنه مشتری اولق استیائلر مکتب صنایع مدیر لکنه مراجعت ایتلیدر

محاکمات جزائیة دائره سندن ویریلان مضبطه
 صورتک مابعدی

معمارکی قسطندینوایله مباشر احمد اغا مزبوره نسبییه
 خسته خانه ده تداوی اولندیغی ائاده مرقوم چلبی
 کندوسی جرح ایدر ایکن خلی جبالامش ایسه ده
 برشی یاه میوب فقط قساطوره سنک قنبی اصیرمش
 اولدیغی سویلدیکنی خبر و یروب مرقوم چلبینک
 قساطوره سنک قینده دیش علامتاری کورلمسینه
 و مرقومک ایاغنده چبان اولیوب طپوغنده قوندره نك
 سورچسندن حاصل اولش بر نشان وار ایسه ده
 بوندن قان چیقیمه جغی طبأ اکلاشدیغی حالده
 مرقومک کوملکیلک دوننده واچقورنده اثر دم
 بولتمسینه نظراً مرقوم چلبینک انکاری واهی
 اوله رق رضاسیله مزبوره یی کوتوروب بکرینی ازاله
 ایتدکدن سکره مجهول اولان برسب اوزرینه
 بالهور من غیر تعدد جرح و قتل ایلدیکی و تحقیقات
 نظامیه یه کوره محمد اونباشی ایله زوجیه سی رشیده نك
 دخی بو باده توسطله مزبوره نسبییه یی غشیاته
 تحریک و اغرا ایتدکلری اکلاشمش اولدیغندن

ایکیوز برنجی ماده قانونیه موجبنجه محمد اونباشینک
 درت ورشیده نك ایکی ماه مدتلره حبسسیله برابر
 مرقوم چلبینک یوز یتمش دردنجی ماده قانونیه
 حکمنه توفیقاً اون بش سنه مدته کورکه قونلسی
 استشعار قلمشدر

مذکور اعلام شرعی مآلی دخی اصالة ووصایة
 مدعی بولنان قصاب عثمان ایله فاطمه خاتون قاتل
 ابراهیم چلبینک انکارینه مقارن تصدی ایلدکاری
 دعوازینی اثباتدن اظهار عجز ایدوب طلبریله
 مرقوم چلبی بالملواجهه بر نهج شرعی تحلیف اولتمغین
 موجبنجه مرقومان قصاب عثمان و فاطمه خاتونک
 دعوی مذکور زیله مزبور چلبی یه بلایینه
 معارضه دن منع اولندقلرینی بیاندن عبارت اولمغله
 بوصورته مرقومان عثمان و فاطمه نك فیما بعد
 خصوص مذکوره مزبور چلبی یه بلایینه معارضه یه
 قادر اولمیه جقلری جانب فتواخانه دن ظهر اعلامه
 اشارت اولتمشدر

مدلول اشعاره نظراً مرقوم چلبینک مزبوره نسبییه یی
 محمد اونباشی ایله زوجیه سی رشیده نك توسط و تحریکیلک

آلوب ترلايه كوتوره رك بکريني ازاله ايتدکنصکره جرح وقتل ايلديکی امارات قويه موجوده ايله متين اولديغندن محاجه مرقوم چلبينک بر شخصي من غير تعمد اتلاف ايدن کيسه نك اون بش سنه مدته کورکه قولسنه دأر اولان يوز يتش دردنجي ماده قانونيه نك فقره اوليسنه توفيقاً اجراي مجازاته قرار ويرلش ايسه ده مرقوم چلبينک ترلايه ازاله بکره اجتسار ايتدکن صکره مزبوره يي نعمک درونه كوتوره رك اوتوز اوج محلندن جرح ايتسي اثر تهوره حمل اولنه ميوب بوجنايتي تصور وتصميم ايله تعمداً ايقاع ايلديکسنه دليل کافی اولديغني کي مزبوره نك رضاسيله حاصل اولمش اولان وبوجهته جنبه درجه سنده کورينان ازاله بکر قضيه سنه مجاسرت ايتدکن صکره ايقاع قتله قيام ايتسنه کوره حرکت واقعه سنک ماده مذکوره نك فقره اوليسنه تطبيقنده اصابت کوريله ميوب اشبو فعلي ماده تعمد نظرله بر کيسه نك تعمداً قاتل اولديغني قانوناً تحقق ايلر ايسه قانوناً اعدامنه حکم اولنه جفته دأر اولان يوز يتشنجي ماده قانونيه وجنجه يي بعد الاجرا تلف نفسه اجتسار ايتسنه باقيلنجيه من غير تعمد تلف نفس قضيه سي آخر بر جنايتي اجرا ايدر ايکن يا قبل الاجرا ويا بعد الاجرا ويا خود بر جنجه يي برای اجرا وقوعبولش ايسه تلف نفس ايدن شخصک قانوناً اعدام جزاسيله مجازات اولنه جفتي مين بولنان مذکور يوز يتش دردنجي ماده قانونيه نك فقره اخيره سي احکامنه موافق اولديغندن بو حکمله توفيقاً مرقوم چلبينک اعدامي لازم کلور ايسه ده بوجه محرر محاجه قاتل غير معمد اعتبار ايديله رك اون بش سنه مدته کورکه قولسنه قرار ويرلش اولسنه وقرق يدنجي ماده قانونيه ده اعدام جزاسنک کورکه تبديلي مطلقاً اراده مخصوصه پادشاهي به منوطدر و يوز يتش ايکنجي ماده قانونيه ده دخی قصاص يا اعدام

- * برنجي نسخنه نك مقدمه سنده بيان اولنديغني *
- * وجهله محاکمک وظائفه دأر اولان نظامات *
- * ايله مؤخرأ اتخاذ واجرا قلنان بعض اصول *
- * وتعديلات پيدري نشر واعلان اولنه جفتي *
- * مثلاً اشبو ايکنجي نسخنه ديوان احکام *
- * عدليه نك نظامنامه اساسيسي درج اولمشدر *

صورت خط همايون *

موجبجه عمل اولنه *

ذات شوکسمات حضرت ملوکانه نك اكمال اصلاح احوال ملک وملت وهر يوزدن تأمين حقوق اهالي حقنده دائماً ومستراً مصروف اولان همم جلبيله واقدامات عاليه حضرت ملوکانه نري جله خيره سندن اولق اوزره امور حقوقيه نك حکومت اجرائيه دن کلياً تفريقيه مرافعات ومحاکمات واقعه ده حقوق عبادک بر قائدها تأميني يعنى بومقوله اموره حکومت اجرائيه نك مداخله صلاحيتندن کايينجي جريان عدل وحقانيته عارض اوله يله جک موانعک دفعي

نزد معاليوفد حضرت ملوکانه ده تنسب وتصويب بيوريله رق اولبايده اصابت افزای صدور اولان امر وفرمان جناب پادشاهي موجبجه واصل مذکوره يه تطبيقاً دولت عليه ده دعاوی قانونيه ايچون الشيوک محکمه اولق اوزره بودفعه تأسيس بيوريلان ديوان احکام عدليه نك نظامات اساسيه سيدرکه بوجه آتی بيان اولنور

برنجي ماده قانوناً ونظاماً رؤيت اولنان دعاوی ايچون اک بيوک محل رؤيت اولق اوزره ديوان احکام عدليه ناميله بريوک محکمه قانونيه تأسيس بيورلشدر

ايکنجي ماده ديوان احکام عدليه محاکم شرعيه ده رؤيت اولنان حقوق شرعيه وجماعات غير مسلميه عأد دعاوی مخصوصه ومجالس مخصوصه سنده کوريلان تجارت مصالحی مستثنا اولق اوزره حقوق ومعاملات عادييه وجناياته متعلق اولوب قوانين ونظامات عموميه يه تطبيقاً فصل وحکم اولنان مصالحدن اولاً اصولاً ونظاماً کندوسنک محاکم سنه محول اولان دعاوی يي رؤيت ايلکيه ثانياً سائر محاکم قانونيه ده رؤيت اولنان دعاويدن اصولاً استينافي لازم کلان ويا خود يه درجه سي اصولاً معين اولان دعاويدن مدعی ويا مدعی عليه طرفلرندن استينافي قلنان مصالحک رؤيت وتدقيقته مأموردر ديوان احکام عدليه شخصين بيننده رؤيت ايلديکی دعاوی نظاميه دن بر دعوانک نتیجه سي شخص ايله حکومت بيننده برادعايه تعلق ايدرايسه اول دعاوی شورای دولته نقل ايتديره جکدر

اوچنجي ماده حقوق عادييه ومعاملات تجارتدن کرک اصلاً وکرک استينافاً اک صکره کی درجه ده بر دعاوی رؤيت وحکم مأمور ومأذن اولان مجالس قانونيه نك صورت مرافعه سي حکم واعلامی حقنده مدعی ويا خود مدعی عليه طرفندن تعريض وادعا وقوعيله ديوان احکام عدليه مراجعت

التنجي ماده اعضادن بشقه اوله رق مجلسه التي ميز اولوب بونلر ايجابه کوره هرايکی دأره يه تفریق اولنور

يدنجي ماده ديوان احکام عدليه حواله اولنان دعاوی ابتدا ميزر معرفتيله تدقيق وترتب ايدجک احکام قانونيه ايله تطبيق اولندقدنصکره متعلق اولديغني دأره ده فصل وحکم اولنه جقدر

سکرنجي ماده ديوان احکام عدليه رئيسي رئيس وکيللری واعضاي وميزری باراده سنه نصب وتعيين بيوريلور اعضاي مجلس رتب ديوانيه دن هر قفني رتبه ده بولنور ايسه بولنسولر مجاسجه حقوق متساويه نال و شورای دولت اعضاسيله متساويدرلر وديوان احکام عدليه

اعضاسنك استعفاى وقوعبولدقجه ويا دها بر
 مأموريتہ تعين ويا خود بالحاكه متهم اولديغنه
 حكم اولندقجه عزل اولتمه بقدر
 طقوزنجى ماده ديوان احكام عدليه نك مرافعه
 وحكمليته اجرا مأمورزدن هيچ بر كيمسك دخل
 وتعرضى اوله ميوب حكومت اجرائيه يالكز تفریق
 دعاوى يولنده حواله مصالح ايله ديوان حكم
 واعلاملىنى اجرايه مأموردر
 اونجى ماده ديوان احكام عدليه نك رؤيت
 وفصلنه مأمور اوله جنى دعاوينك انواعنى ومواد
 حقوقيه وجزايه اوزرينه اصول محاكاتى وحكم
 وقرارلىنك صورت عرضى ميين اقتضا ايدن
 نظامات شورى دولته بالذاكره باراده سنه
 موقع اجرايه قونيله حتمو
 ديوان احكام عدليه نك محاكاتى على اولوب فقط
 هر نه وقت تنسيب ايدرايسه محاكاتك خفى اوله رق
 جريانى حكم ايد ييلوز ۸ ذى الحجه سنه ۱۲۸۴
 ۲۲ شوال ۸۹ تاريخيله ديوان احكام عدليه
 نظارت جليله سى جانب عاليه سنه تقديم اولنان
 مضبوطه نك صورتيدر
 غلطه ده خويارخاننده ساكن خرساكي اناستاشيدى
 ايله همشيره زى انيقه ودومنى وكريا كيمه نك متوفى
 برادرزى طنشاكينك زوجة سى بشكطاش
 ساكنه زدن قادنقو برادرزى مرقومك حين
 وفاتنده ايكي چانطه ايله اشياى ساروسنى سرقت
 ايتش اولديغى بيانيه بونلرك ظاهره اخراجى
 حقنده وقوعبولان ادعازى اوزرينه كيفيت بك اوغلى
 مركز بدايت محكمه سى جزا دأره سنه حواله بيور يلوب
 بو باده بر كونه استنطاقلى اجرا اولتمقسز ين
 ايشك شرعشريفه حواله سنه قرار ويريلاهرك اولباده
 تنظيم وتقدم اولنان مضبوطه با بيورلدئى عالي
 صدر روم ايلي سماحتلو افندى حضرتلى طرفه


استدعا ومزوره قادنقودخى بو چوجق كندوسندن
 متولد ولد صحبى اولديغنى ومتوفى مرقومك
 خسته لنديكى ائنده خرجليغى قالدیغندن كندوسنه
 وقوعبولان تكلىنى اوزرينه بدستان بكجيسى حاضر
 اولديغى حالده قاصه دن براز خرجلق الوب صرف
 ايتش ايسه زده چانطه دروننده كى قونسليدردن
 معلوماتى اولديغى افاده وانبا ايله متوفانك متروكانى
 معرفت شرعله مهر التنده اولوب اوراجه دردست
 رؤيت وتسويه ايدوكنى بيان واما ايتش اولملايه
 سىاقى افاداته كوره كافه متروكات طرف شرع
 شريفدن ضبط وتحریر وصورت تقسيمى دخی
 قادنقونك وضع حملنه تعلیق اولنه رق كيفيت شرعاً
 دردست رؤيت وتسويه بولمسنه واجرا ايتديرلش
 اولان معاینه دأر ويريلاں راپورط برقرار قطعى
 حاوى اولماسنه نظراً هر حالده كيفيت مواد شرعيه دن
 كورنديكنه محكمه جه قرار ویرلش اولديغى بيانندن
 عبارت بولندى
 مستأفردن قرار مذکور حقنده اولان اعتراضلى
 لدی الاستفسار مذکور مضبوطه ده محرر افاده
 وادعازى تکرار ايله مرقوم خرساكي برادرى
 طنشاكينك وفات ايلديكى ائنده دائما ياننده
 طاشيديغى قونسليد چانطه سيله صنديغنده حفظ
 ايتمكده اولوب دروننده بشيوز ليرالق قونسليدى
 بولنان ديكر چانطه سنى برارالق متوفانك زوجة سى
 بولنان مستأنف عليها قادنقودن سؤال ايتدكرنده
 صندال بدستانده كى صندقده محفوظ ايدوكى
 وحريق وقوعى خوفندنشاشى مذکور صنديغه ايكي
 عدد جبجى طاقى دخی وضع اولنوب اختارزى
 كندوسسنده بولنديغى جوابى ويرمش وبرهفته
 مرورنده مذکور صندوق قسام افندى طرفندن
 كتورديلوب طرفين حاضر اولديغى حالده كشاد
 اولنه رق ايچندن سكر يوز ليرالق قونسليد ايله بعض
 دفاتر وسندات ظهور ايتش ايسه ده سالف الذكر
 ايكي چانطه ايله جبجى طاقلى ظهور ايتديكندن
 بيلننده منازعه وقوعيله اولوقته قدر مزوره قادنقو
 حامله اولديغنه دأر بر سوز سويلامشيكى اولوقت
 بر بچق ايلق حامله بولنديغى ايراد وبيان ايلديكندن
 تقسيم تركه خصوصى مزوره نك وضع حملنه تعلیق
 اولنه رق مذکور صندوق جانب قسامدن بدستانه
 اعاده قلدیغندن ومزوره نك حملنده اشتباه حاصل
 ايلدكرندن بعض قابله زه معاینه ايتديرمك مراد
 ايلدكرنده موافقت ايتيوب ظاهرأ دخی حمل علامتى
 كوزيله مامش اولديغنى اوزرينه ادعايه قيام ايله
 اگرچه مزوره محكمه مذكوره به مؤخرأ جلب اولنش
 ايسه ده اصولى اوزره استنطاقلى اجرا اولتيوب
 طرفين محكمه جه بعد الاستجواب كيفيتك شرعشريفه
 حواله سنه قرار ویرلديكندن اشبو قرار كندوزينى
 اقناعه كافى اولديغى بالبيان مزوره قادنقوده خصوصه
 حالى دخی كوريله مديكى موجود اولان راپورطلر
 مألرندن مستبان اوله رق شو حالده مزوره نك ميدانه
 قويدیغى چوجق كندوسندن تولد ايتامش اوله جنى
 ايراد واتيان ايله بو جهتنى و برده مذکور چانطه لر
 ايله جبجى طاقلى حقنده تحقيقات وتدقيقات
 مقتضيه اجراسيله حقيقتحاك ظاهره اخراجى
 افاده واستدعا وقرار مذکور حقنده اولان اعتراضلى
 بوندن عبارت اولوب چوجق حقنده اولان ادعازى
 باب ضبطيه مأمور قابله ايله مكاتب طيه ايه زدن
 مادم روبر واشكينه نك استنطاقلى تين ايدجكنى
 بيان وانبا ايدرك همشيره زى مزورتان دومنى وانيقه
 دخی برمنوال محرر بيان كيفيته ادعاده بولندقزندن
 مزوره قادنقونك استنطاقى بالا اجرا زوجى تحفجى
 طنشاكى وفاتندن يكرمى آى مقدم كندوسنى عقد
 ايدرك كدران ايدن سكسان يدى سنه سى مارتى
 ابتداسنده بر قز چوجق طوغروب التى آى قدر
 كندوسنى سود ويردكندسكره كيرلى قترينه يى
 سودانا طوتوب درت ماه دخی مزوره طرفندن

ارضاع اولنه رق بعده يالکز امز يك ايله بسلنوب
بوندن تخميناً اون اوج اون درت ماه مقدم زوجي
مرقوم وفات ايدرك اوانده ايكي ايكي بچق آيلق
قدر حامله اولوب زوجنك وفاتندن التي ماه يكرمي
كون مرورنده بشكطاشده ميدان زقاغنده مستأجرأ
ساكن انشعسي ترزي بائي يورغا كينك خانه سنده
وسكان سكر سنه سي مارتك نهايتي اولان بر جمع
كيجه سي ساعت التي راده زنده كندوسندن تولد
ايتديكي ادعا اولنان ارلك چوجني اسكي ايه سي
بشكطاشلي ذوئجه ويوك قز قزداشي انيقه وهتوفي
قسطينك قزي راستي وتاجر يوركينك زوجه سي
انيقه وقز قزداشي قزي كبلانتيه حاضر بولندقلى
حالده طوغرمش ايدوكندن بو چوجنك كندوسندن
متولد ايدوكني مزبورنه ايله واولكيجه دعا ايتش
اولان راهب ني قوله افندي ايله اثبات ايدجكي كبي
حامله بولنديغني دخي اسملري مضبوط اولان سائر
قادينلر ايله اثبات ايله جكني وچوجق تولدينك
ايكنجي كوني راهب قاليونس افندي طرفندن
وافتير اولنديغني بالبيان مستأنف مرقومونك بوبابده
وقوعبولان افاده وادعازي خلاف وازعاجدن
عبارت بولنديغني واكرچه مستأنفلر طائيدغي
قادينلر ايله خانه سنده كلوب معينه ايتديرك مراد ايتش
ايسه زده خوف وعدم امنيتنه مبني موافقت ايتديكني
افاده ودرميان ايلديكندن مستأنف مرقومونك
بيان ايلدكلى قابله ز بعده ايجاب ايدر ايسه جلب
اولنق اوزره اول امرده مستأنف عليهانك بيان
ايلديكي ايه ذوئجه وسائر يك جلبنه بالابتدار اولبابده
يازيلان مذكوره اوزرينه پاپاس ني قوله افندي ايله ايه
ذوئجه وقز چوجنك سود اناسي قترينه وديكشي
اراستي وهاجي مانولك قزي اردمسيه ومستأنف
عليهانك يكني فله انتي وهمشيره سي انيقه بالبرورد بولردن
راهب مومي اليه ايله انيقه دن ماعداسنك تحليفلى
بالاجرا طرفين حاضر اولديغني حالده معلومات

كستورمك استمش ايسه زده كتمديكني افاده ايدرك
بوراسني مزبوره ذوئجه دخي تصديق ايدوب
اردمسيه دخي التي ياشندن بروقادتقونك انده بيويوب
حامله اولديغني بيلديكني فقط وضع حمل ايتزدن
برقاج كون اول پدريك اسمنك يورطيسي اولديغني
جهتله پدريك خانه سنده كيدوب وضع حمل ايتديكي
كيجه يانده بولنه مديغني سويله رك مزبوره فله انتي
دخي ارلك چوجنك قادتقودن حين تولنده ايه
ذوئجه وسائر ايله برابر اوطه ايجنده بولنديغني افاده
ايدوب مزبوره انيقه دخي مزبوره فله انتينك افاده سني
صورت تصديقه بولنديغدن اولكيجه ايه ذوئجه
مختار ك خانه سندن دعوت اولنوب اولنديغنك
وچوجنك كليساده قيدى بولنوب بولنديغنك
تحقيقنه دخي بالابتدار بشكطاشده سنان پاشا محله سي
مختار اول حاجي احمد اغا جلب ايله استفسار اولندقه
حامله بولنان زنجي به جاريه سنك وضع حملي ضمنده
يكن سنه صفر الخير ايكنجي كيجه سي مزبوره
ذوئجه سي خانه سنده كستورمك اوزره محله بكيجسي
تحسين ايله اول ائشاده مسافره خانه سنده بولنان
فاطمه خانم وچركس جاريه سي رنككلى كوندريكنده
مزبوره خانه سنده بولنوب ترزي باشينك
اقرباسندن بر خاتونك وضع حملي ضمنده ترزي
باشينك كليسا ميدانده اولان خانه سنده اولديغني
بالاستخبار اوج دفعه كيدوب نهايت كيجه
تخميناً ساعت التي راده زنده كستوريله رك يارم ساعت
مرورنده زنجيه مزبوره سي تولد ايتدرمش ايدوكني
واولكيجه ترزي باشينك خانه سنده اولان خاتونك
بر ارلك چوجق طوغردغيغني قابله مزبوره دن
اشتديكني افاده ايدوب بكيجي تحسين وفاطمه خانم
وجاريه رنككل دخي اغاي مومي اليه ك افاده سني
بالتصديق اولكيجه ترزي باشينك خانه سنده وضع
حمل ايدن ترزي باشينك بالديري ديئديكي بكيجي
مرقوم طرفندن علاوه بيان وتدكار وچوجنك

تاريخ تولدى مضبوط ومقيد اولوب اولنديغنك
بيان واشعارينه دأر يازيلان مذكوره به جواباً مزبوره
قادتقودن بيك سكر يوز يتش ايكي سنه ميلاديه سي
شهر مارتك اوتوز برنجي كونده بر چوجق تولد
ايدوب سنه مذكوره نيسانك برنجي كونده وافتير
ايديله رك اسمي اطناش تسميه اولمش اولديغني روم
بطريقخانه سندن بيان واشعار اولنديغنك اوزرينه
ارلك چوجني كيمك ارضاع ايلديكي مزبوره قادتقودن
لدى السؤال كندوسي ارضاع ايلديكني سويلوب
مستأنف دومني دخي ارلك چوجنه مزبوره قدتقو
في الحقيقه سود ويرمكه ايسه ده بوسود قز چوجنك
سودي اولديغني سرد وافاده ايله ديكر مستأنفلر
ايله برابر مزبوره قادتقو طرفندن اقامه اولنان
شاهدرك بالمواجهه وقوعبولان افاده زيني قطعاً قبول
ايتيه جكربني سويله رك اولكي افاده وادعازنده
اصرار ايله مكاتب طبعه شاهانه طرفندن مزبوره
قادتقونك معينه سنده دأر ويريلان راپورط صدق
مدعازينه دليل كافي اولجغني افاده ايتلريه مذكور
راپورط قرائت اولندقه طباً بردن زياده طوغرمش
قادينلر وضع حمل ايتش اولديغني اثبات ايدن
علامات اون بش كوندنصكره موجود بولنوب انلر ايله
وضع حمل وقعه سني اثبات ايتك بمكن دكلدر ديو
محرر اوله رق بووجهله مستأنف مرقومونك بعض
افاده زيني تأييد صورتده كورنمش ايسه ده اويله
صدق مدعازينه دليل كافي اوله جق درجه ده
اولديغني اكلاشيله رق شو صورتله محاكمه نتيجه
ويرلدكن صكره كيفيت موقع تذكر ومطالعاه به
قونلده قانونا مة همايونك ايكون بشنجي ماده سنده
برصينك يرينه ديكريني قويه رق دكشديرك ياخود
بر خاتونك توليد ايتماش اولديغني چوجني اندن تولد
ايتش يرينه قويمق كبي فضايله اجتسار ايدنلر
التي ايدن اوج سنه به قبر حبس اولنور ديومصرح
اولديغنه مبنی ادعا اولنان چوجق خصوصنك

رؤیتی محاکم جزائیه عائد مواددن اولدیغندن
 وشاهدرك مع التحلیف وقوعبولان افاداتنه مزبوره
 قادنقو بوچوجغه حامله قالدیغنی حس ایلدیکنده
 قترینه یی کتوروب قزچوجغنی ارضاع ایتدیردیکنی
 سویله رك بوفاده سی قترینه طرفندن دخی تصدیق
 قلنه رق ارکک چوجغه ویرمکده اولدیغنی سود
 دومنک افاده سی وجهله قزچوجغنک سودی اولیوب
 طبیعی ارکک چوجغنک سودی اولدیغنی اکلاشلش
 اولسنه و ذکر اولنان راپورط مألنه و برمنوال مشروح
 اجرا قلنان تحقیقات سائریه نظراً مستأنف علیهادن
 تولد ایتدیکی ادعا اولنان ارکک چوجغنک مزبوره
 قادنقودن متولد ولد صحیحی اولدیغنی تین و تحقیق
 ایلدیکندن شوالده محکمئه مذکورنک بو باده اولان
 قرارینک بالطبع فسحی و مستأنفلرک مزبوره قادنقودن
 سرقت ادعاسنه حق و صلاحیتلری اولهمیه جغه مبنی
 بعده چوجغه بروصی تعین اولنهرق وصی طرفندن
 سرقت ادعاسی خصوصنک دخی استینافاً رؤیتی ادعا
 اولندیغنی حالده اولوقت ایجابنه باقلمق اوزره شمذیلک
 بو جهتنک تحقیق و محاکمه سنیدن صرف نظرله
 میراث خصوصنک ینه محکمئه مخصوصنه حواله سی لازم
 کله جگمنه متفقاً قرار ویریلهرک طرفینه بالتبلیغ محکمئه
 مذکوریه دخی باعلم و خبر معلومات اعطا اولنهرق
 مذکور حواله لی مضبطه لفاً اعاده و تقدیم قلندی



﴿ ۹ رمضان سنه ۸۸ تاریخیمه دیوان ﴾

(استینافدن تنظیم قلنان اعلام صورتیدر)

قصاب قسطنطینی ایله عزت آغا بیننده اغنام اتمانندن
طولای تحث ایدن دعویاه دائر محکمہ تجارت
اوچنی مجلسندن ویریلان اعلامک حکمی علیهنه
اعتراضی حاوی مزبور قسطنطینک ویردیکی عرضحال
۸ جاذی الاول سنه ۸۸ تاریخنده دیوان استینافه
حواله بیورلدیغندن و طرفینک جلبنده مزبور
قسطنطینک کفالت سندنده بعض کونه نقصانیت

کورنسنه مبنی قسطنین سؤال اولندقده خصمی عزت اغا
جانبندن قبول ایدلیدی جوابی ویرلش اولدیغندن
محاکمه نرینه بالاتدار عرضحال مذکور اوراق
متفرعه سله برلکده اوقوندی

عرضحال مذکورده طو پچاندهه مقیم صغر قصابی
عزت اغا ایله شریکری شکری ونوری وحسنی
ومحمد بکری یازنده بولان اوتوز یدی رأس قریم
اغنامی خیار رؤیت شرطیه بهری یوز الیشیر
غروشدن کندوسنه فروخت ایتیم ایسه زده اغنام
مذکوره نك بوراجه هیچ برامثالی فروخت اولنماش
ایدو کندن اون اوچ رأس شریکی محمد اغا واحد
افندی دکانلرنده و کندوسنک دکاننده ذبح
اولندقدنه لجنه هیچ بر مشتری ظهور ایتیه رک ضرر
کلی به دوچار اوله بغنه مبنی قصوری رد ایدلده
مومی الیهمدن یالکر عزت اغانک اوچنجی مجلسه
مراجعت ایلسی اوزرینه مرافعه زنده خیار رؤیتی
انکار ایلسنه مبنی تکلیف ایلدیکی یمنی قبول
ایده چکی اجلدن اوزرینه بشیک شو قدر غروش
حکم اولندیغندن حکم مذکوری قبول ایتمدیکی
حسدله ایشک استئنافاً کورلسی استدعا اولنشد

سلخ صفر سنه ۸۸ و ۸ مارٲ سنه ۸۷ تاريخي
اولان اعلام مذکور صورت مصدقه سنک نتیجه
مزایاسنده عزت افا قیون اثمانندن طولای قصاب
قسطیدن بشیك بشیوز الی غروش بالدعوی
مبلغ مزبورک یکر می درت ساعت ظرفنده تأدیة
اولنمدیغی حالدہ فائض ومصارف الہجفہ دائر
۸ شباط سنه ۸۶ تاريخي ابراز ایلدیکی پروتستو
مطالعہ ایلدلدکن صکرہ مزبور قسطی استجواب
اولندقدہ عزت اغانک افادہ سی وجہلہ اوتوز یدی
عدد قیونی مباعہ ایلدیکنی واون اوچینک ذبح
ایلدلدیکنی اقرار ایلہ برابر جوانبدہ قیونلری کورمہ رک
پازارلشمش و بکنندیکنی الیقوب بکنمدیکی رد ایلدک
(بقہ سی صکرہ)